

# Nou op vraidag: aal wat ter toalt in streken om joe tou

Vandoage vinnen ie op dit stee van joen Grunneger kraande veur leste moal 'Streektoal'.

Woar tot op t heden in de Drintse oetgoaven net zo'n pozzie 'Streektaol' veur ston.

Troost joe: ie huiven der aankom weke nait noar zuiken, teminnent op vraidag nait.

Op dij 22sten krieg je veur d'eerste moal joen streektoal, dij van aanern en nog veel meer thoes bezörgd in vraidagkraande.

## **Toal, Taol, Taal**

Ieder weke but t cultuur-gedailte joe wat in joen Toal, Taol of Taal. Joa, ook veur lu van aner kaant van grins of grup is der wat bie.

En veur gounent, dij

allinneg mor Nederlands (verstoan of lezen) kinnen. Mor best waiten willen, wat ter in de streek rondom heur loos is. Streekcultuur dus: van Stellingwerf tot Aurich toe, van Drenthe tot aan t Wad.

Veur t lest heb k dizze wekelkse haalve bladziende hailendal allinneg vol schreven. Van aankom weke òf maggen anern dij oareghaid hebben. Dat ie as leeders doar den ook mor plezaaier aan belevan maggen.

En veur goie schrievers en gedichtenmoakers onder joe zel der op dij bladzienden boetendes ook ais gast-roemte moakt worden.

**Johan Poppen**